



PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

Intervensaun husi Eis-Ministru Negósius Estranjeirus Portugal nian, Luís Amado, iha okaziaun Lansamentu livru “Dalan ba Dame - Caminhos para a Paz” no “Mauberíadas” husi Kay Rala Xanana Gusmão, iha loron 17 fulan-outubru tinan 2024, iha sede Komunidade Países Lian Portugeza (CPLP, Sigla iha lian português)

Obrigado barak.

Uluk nana'in, ha'u hakarak agradese ba konvite ne'e, ne'ebé fó onra boot mai ha'u, liuliu tanba relasaun sira ne'ebé ha'u konsege dezenvolve ona durante tinan 25 ne'e nia laran, hahú kedas bainhira ha'u hasoru Primeiru-Ministru Xanana Gusmão, ho Timor-Leste, ho ninia povu no mós ho ninia istória ne'ebé foin lalais ne'e.

Uluk nana'in, ha'u hakarak hasé, señor Primeiru-Ministru, Sekretáriu Ezekutivu CPLP nian, Prezidente Porto Editora, Ministru sira ne'ebé akompaña Primeiru-Ministru iha vizita Estadu nian ida-ne'e. Señor embaixadór sira ne'ebé barak iha-ne'e, defaktu, barak maka ha'u koñese no





PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

ne'ebé iha partisipasaun boot iha prosesu Timór nian. No ba ema hotu ne'ebé marka prezensa no iha interese ba lansamentu ida-ne'e.

Tanba ha'u seidak simu testu livru "Mauberíadas", naturalmente, ha'u konsentra ba saida maka livru diskursu sira-nian, tinan sanulu diskursu nian, naruk tebes. No livru ida ne'ebé, hanesan ita-boot sira bele imajina, ha'u halai liuhosi diskursu sira, ho serteza katak ha'u sei laiha tempu atu lee diskursu sira hotu, iha ne'ebé iha, tuir loloos, repetisaun barak, hanesan sira ne'ebé iha oportunidade atu haree sei haree.

Maibé livru ne'e maka livru omenajen ida. Ida-ne'e maka livru ida omenajen nian, tuir ha'u-nia pontudevista, ba obra extraordináriu ida ne'ebé maka halo iha tinan hirak nia laran, hosi polítiku no mós hosi poeta, tanba loloos laiha ema ida maka komprende poeta laho komprende dimensaun polítiku no laiha ema komprende polítiku, sein komprende dimensaun poeta nian ne'ebé iha polítiku.

No poezia, hanesan arte ein jerál, maka fonte atu harii liberdade absoluta, no Xanana kompriende ida ne'e iha poema sira ne'ebé nia hakerek iha prizaun Cipinang. Nia hakerek poema sira-ne'e barak iha izolamentu, maibé





PRESIDÊNCIA DO CONSELHO DE MINISTROS

IX GOVERNO CONSTITUCIONAL



Gabinete
Porta-Voz

sempre ho intuisaun maka'as kona-ba ninia responsabilidade polítika. No tanba ne'e, poeta ne'ebé nia maka, labele haketak hosi gerrilla no estadista ne'ebé nia iha.

Profesor Manuel Ferro nia ensaiu kona-ba epepeia “Mauberíadas” rejista ho énfaze partikulár pontu krítiku fundamentál ida ne'e hosi personalidade kompleksu ne'ebé maka Xanana Gusmão, nu'udar artista, kriador, ho impulsu arte nian tomak ne'ebé asosiadu ho ezersísiu kriaun nian ida ne'e, bele sai poezia, tantu iha pintura no polítiku ho vizaun ida kona-ba destinu nia rain nian, transforma nia sai epepeia ida ne'ebé extraordináriu. Profesor Manuel Ferro, ha'u rejista, hafoin kompoin epepeia “Mauberíadas” ida ne'e, depende ba nia atu kaer kilat no dirije gerrilla, dimensaun epepeia seluk hosi eroi poeta nian. No defaktu, nia destaka, saida maka ha'u nota daudaun, la posivel atu komprende polítiku ne'e sein komprende trajetória hosi nia serbisu intelektuál no nia criatividade, partikularmente poética.

Maibé liuliu kona-ba polítiku, ne'ebé ha'u bele ko'alia tanba ha'u iha oportunidade hodi moris hamutuk ho Xanana Gusmão durante tinan 25, hodi rekoñese iha nia abilidade polítiku ida ne'ebé la baibain tebes, to'o konfunde, ema-polítiku sira ne'ebé formál liu no sira ne'ebé maizumenus barani. No ita hotu, iha ema barak iha-ne'e ho esperiénsia prosesu Timor





PRESIDÊNCIA DO CONSELHO DE MINISTROS

IX GOVERNO CONSTITUCIONAL



Gabinete
Porta-Voz

nian, imi hatene saida mak ha'u refere ba, momentu barani sira ne'ebé konfuzu, provokasaun, insinuasaun, ne'ebé sempre halo parte iha maneira Xanana haree ba atividade política no iha ne'ebé ida ne'e dimensaun poética liu maka destaka. Impulsu disruptivu ida ne'e ne'ebé maka kriador, artista ein jerál, transmite no ne'ebé, iha nivel político, iha ninia dimensaun rasik.

Tanba ne'e, buat ne'ebé ha'u apresia liu kona-ba Xanana mak dimensaun instintiva ida-ne'e hosi aktu político. Nune'e mós tanba ha'u-nia esperiênsia política ne'ebé naruk, nunka sai político ida ne'ebé iha kompromisu ba carreira política, buat sira akontese no ha'u hala'o funsaun política oioin, maibé ha'u iha nosaun loloos katak aktu político ne'e rasik hanesan aktu ruptura ida no ne'e hanesan aktu ida ne'ebé impulsivu, ne'e aktu instintivu ida. No, dalaruma, kaixa razaun nian sai perturbadu iha ezersísiu permanente ida ne'e hodi buka iha nakukun dalan ida atu sai hosi problema sira. Ne'e konserteza loos duni Xanana moris iha gerrilla, nia moris iha prizaun, nia moris iha rezistênsia. Ezersísiu permanente ida ne'e hodi buka atu hatene iha nakukun. Hakotu ligasaun sira, koko atu sai hosi kaixa. Institusionál, formál, prizaun rasik, hanesan ne'ebé akontese ona. Maibé sempre ho inteligênsia no tanba ne'e maka nia nu'udar político ida ne'ebé ninia trajetória reflète ekilíbriu ida ne'ebé konstante tebes entre parte ida





PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

ne'e ne'ebé kriativu, dezordenadu, provokativu, ho vizaun ida ne'ebé rasionál tebes no responsavel tebes ba ninia kna'ar nu'udar atór polítiku.

No ida-ne'e maka qualidade seluk inteligéncia nian, inteligéncia estratéjiku nian, inteligéncia nian, la'ós tática nian, la'ós oportunidade nian, iha ne'ebé polítiku kontemporáneu barak, liuliu iha vorasidade komunikasaun polítika moderna nian, presaun mídia nian, lakon, maibé sempre preokupa ho komprensaun ba buat ne'ebé dook, la lakon kontornu sira kona-ba saida maka importante no saida mak estratéjiku duni. No, tanba ne'e, asociadu ho dimensaun ida-ne'e no karga instintiva ida ne'ebé maka'as tebes iha ezersísiu podér ka buka atu kaer podér, nia iha qualidade inteligéncia estratéjiku ida ne'e ne'ebé refleto iha obra tomak.

Defaktu, karik lee Ramos-Horta nia prefásiu, Presidente Ramos-Horta nia prefásiu lista ida-ne'e kona-ba momentu sira iha ne'ebé vizaun estratéjika sobrepoin sira seluk hotu no tanba ne'e maka nia dehan katak ne'e defaktu, memória, liu fali ema seluk, Xanana mak istória kontemporánea ita-nia rai doben nian. Presidente Ramos-Horta maka rekoñese ida-ne'e hafoin kria





PRESIDÊNCIA DO CONSELHO DE MINISTROS

IX GOVERNO CONSTITUCIONAL



Gabinete
Porta-Voz

lista lubun ida hosi situasaun sira, esperiênsia sira, desizaun sira iha ne'ebé konsiderasaun estratéjiku ida-ne'e kona-ba vizaun ba tempu naruk, destinu comunidade nian no imperatividade hosi aktu sira ne'ebé sai ninia responsabilidade domina nia.

Hafoin, karakterístika fundamentál iha perfíl polítiku, saida de'it mak ida-ne'e bele sai, maka vontade. Nia la lidera sé maka hakarak, maibé konserteza lidera sé maka hakarak no bele. Maibé vontade maka elementu ida ne'ebé absolutamente labele troka hosi asaun polítika, no nia sempre hatudu ida ne'e, iha momentu sira ne'ebé difisil tebes, krítiku tebes, bainhira nia parese, defaktu, nakdoko momentu ida tanba hakarak atu abandona, maibé reziliênsia maka predomina no ida-ne'e maka parte ida ne'ebé esensiál tebes husi kualkér perfíl lideransa polítika ne'ebé susesu.

Nune'e iha qualidade fundamentál rua, ida mak empatia! Laiha lider ida mak impoin nia-an rasik laho empatia ba nia povu. Ha'u haree Xanana iha momentu oioin durante kampaña eleitorál iha eleisaun oioin. Ha'u bele assiste karga empatia ida ne'e, ne'ebé maka parte seluk hosi karizma. Iha ko'alia barak kona-ba se ema-polítiku ne'e karizmátiku. Polítiku la'ós karizmátiku se nia la iha kapasidade atu ezerse influênsia ne'ebé kontrária ba eleitór, iha kazu demokrasia nian. Maibé empatia ida ne'e ho povu,





PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

esperiência ida ne'e hosi povu no iha-ne'e dimensaun épiku ida ne'e mós sempre destaka. Poeta épiku, epopeia, versu sira, poezia sira. Sira sempre presente iha momentu sira-ne'ebé Xanana laran-rua, maibé tenke atua, tanba asaun polítika nu'udar imperativu ba nia karreira, ba nia destinú. Nu'udar poeta épiku, husi nia epopeia. No ida ne'e maka fó autoridade ba nia no ema-polítiku ida nia autoridade hela liu-liu iha kapasidade ida ne'e. Atu akomoda kategoria oioin hosi ema-polítiku, instintu, sensu di'ak, rasionál, inteligéncia estratéjiku, vontade no reziliéncia. Empatia!

Autoridade impoin naturalmente, hanesan ne'e, no tanba ne'e maka Xanana nia autoridade bele disputa iha eleisaun. Maibé ninia fatin iha istória Timor-Leste nian absolutamente indiskutivel, iha ha'u-nia leitura no iha leitura kualkér observadór atentu ba realidade Timór nian.

Agora kona-ba livru, ha'u hatete ona, livru ne'e maka livru omenajen ida, livru ida ba diskursus, repetitivu tebes, tanba ideia sira mosu beibeik. No ideia sira repete beibeik tanbasá? Tanba Xanana, dezde nia hahú nia asaun polítika iha tinan 40 nia laran, hatene katak tenke halo buat hotu. Presiza harii, atu harii Estadu-Nasaun, ne'ebé maka sai hanesan mehi, objetivu hosi nia vida públuka.





PRESIDÊNCIA DO CONSELHO DE MINISTROS

IX GOVERNO CONSTITUCIONAL



Gabinete
Porta-Voz

Presiza harii identidade ida, laiha identidade laiha nasaun, maibé identidade de'it la to'o atu harii nasaun ida. Presiza buat barak liután atu harii nasaun. No bainhira harii ona nasaun, presiza harii Estadu no nasaun labelé harii duni lahó Estadu, liuliu iha Nasaun sira ne'ebé kompleksu, oioin, pluralista tebes hosi pontudevista étniku, tribal, linguístiku, ho lian liu 30. Tanba ne'e, identidade nu'udar ezersísiu ida ne'ebé ezije rekoñesimentu nasaun ida nian. Maibé presiza mós konstrusaun nasaun ne'e rasik no konstrusaun Estadu.

No livru ida-ne'e maka livru ida iha ne'ebé esforsu notavel, esforsu boot hosi lider ida nian, ne'ebé, liuliu hafoin xoke boot 2006 to'o 2008, sente laran rua-rua se nia bele duni atu hala'o knaar ne'ebé atribui ona ba nia. No sé de'it maka vizita Timór iha tinan sira ne'ebá, husi 2006 to'o 2008, komprende ho klaru saida mak ha'u ko'alia, tanba ne'e, hanesan duni momentu angústia kolektiva boot ida no, liuliu, distúrbiu polítiku boot ba responsavel másimu sira Timor nian. No sira la barak. Dúzia baluk ida hosi responsavel sira hatene lalais tebes katak mehi ne'e sei sai hanesan mehi aat ida se la halo buat ida, atu muda orden akontesimentu sira nian no livru ida-ne'e, diskursu sira iha livru ida-ne'e, refleto tebes obra ida ne'e. Ezersísiu ida ne'e iha hanoin kona-ba reflesaun sobre Estadu, knaar Estadu nian no presiza kedas atu kria lalais instituisaun sira, liuhosi reformas ne'ebé





PRESIDÊNCIA DO CONSELHO DE MINISTROS

IX GOVERNO CONSTITUCIONAL



Gabinete
Porta-Voz

presiza. Atu Timor sai Estadu viavel ida, tanba iha tempu ne'ebá dúvida kona-ba viabilidade Estadu Timor nian impoin la'ós de'it ba timoroan sira, maibé impoin ba comunidade Internasionál no mós ba sira ne'ebé luta makas tebes ba kauza Timor nian.

Serbisu kona-ba identidade hale'u pratikamente metade hosi diskursu sira iha ne'ebá. Serbisu kona-ba nasaun prezente mós iha aktu fundamentál barak hosi trajetória política Xanana Gusmão nian.

Tuir ha'u-nia pontudevista, Ramos-Horta rekoñese ida ne'e, ho laran-luak, matenek, bainhira nia rekoñese katak serbisu estratéjiku hotu-hotu ne'ebé permite Timór nia situasaun to'o iha momentu ida independénsia nian, ne'ebé liuliu tanba intelijénsia estratéjiku no vizaun ba tempu naruk Xanana Gusmão nian.

Dezradikalizasaun ba prosesu polítiku, hafoin tinan sira ne'ebé nakonu ho problema iha 1975, despartidarizasaun FALINTIL nian, dalan ne'ebé nia persebe importánsia husi internacionalizasaun konflitu no apoiu internasionál atu nune'e loloos bele kria kondisaun sira ne'ebé sei halo





PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

komunidade internasionál kompriende katak iha korpu identidade nasaun nian ne'ebé iha nia lian rasik no hakarak tebetebes hetan independénsia.

No laiha dúvida rekoñesimentu ba papél Igreja Katólíka nian. Hafoin momentu ne'ebé la hakmatek hela de'it hafoin lora 25 fulan-abríl iha Timor-Leste, kona-ba kestaun fiar no igreja nian.

No mós relasaun ho Portugal, ne'ebé Xanana komprende hanesan laiha lider timoroan seluk. Tuir loloos, ha'u hanoin katak lora istória ida ne'e sei hakerek kona-ba importánsia Xanana Gusmão nian hodi hakle'an relasaun ho Portugal. Nia la hetan tratamentu di'ak iha Portugal, ninia imajen no ninia figura polítika la sempre hetan tratamentu ho di'ak, karik tanba parte deskonsertante ne'e nia dalaruma assume iha relasaun sira, nia la nafatin hetan tratamentu ne'ebé ha'u hanoin Xanana tenke hetan. Tanba, valór ba Portugal konsege mantein, prezensa moris ida hosi ninia memória no istória iha mundu nia rohan seluk nu'udar favór Xanana Gusmão nian. No tanba ne'e mak ha'u hanoin justisa iha tratamentu ba Xanana nia imajen ne'e ezijénsia ida ne'ebé ita tenke halo ba ita-nia konsiénsia kolektiva rasik.

No razaun ida tansá ha'u aseita atu apresenta livru ida-ne'e maka tanba ha'u sente konxiénsia aat ida ne'e, katak ita provavelmente seidak halo





PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

buat hotu ne'ebé ita tenke halo atu prezerva memória Portugal nian iha Ázia no liuliu iha rai loloos úniku ne'ebé simu ami ho di'ak.

Foin lalais ne'e ha'u hasoru Ana, no ha'u hatete ba Ana Gomes ida ne'e. Ha'u completamente konkorda ho buat ne'ebé nia hato'o iha momentu ne'ebá, katak sirkunstánsia istória kolonizasaun portugés ne'ebé kiak, dook, inkapasidade tebes atu hanoin kona-ba Timor iha sékulu barak nia laran. Ne'ebé ho maneira ruma justifika vizaun jenerozu ne'ebé timoroan sira iha kona-ba relasaun ho Portugal no kolonizasaun portugés, iha parte boot, ita bá iha antigu kolónia portugés sira no la sente hahalok-di'ak, domin umanu, afetu ne'ebé timoroan sira trata ita no ha'u hanoin katak ida-ne'e maka tanba saida, tanba iha defeitu ida hosi kolonizasaun, ne'ebé nakfilak ba ita-nia benefísiu no depois kolonizasaun brutál hosi Indonézia iha tempu badak ne'ebé fó mai ita benefísiu istóriku ida-ne'e hosi kolonizasaun ida ne'ebé kmaan. Do'ok, maibé nafatin presente, la'ós iha isin, la'ós iha instituisaun sira, la'ós iha edifísiu no infraestrutura sira ne'ebé ita la husik hela, maibé ne'e nafatin iha timoroan nia klamar. No Xanana kontribui barak ba ida ne'e no kontribui barak ba ida ne'e, iha maneira ne'ebé nia sempre trata relasaun koloniál portugés ho istória Timor nian.





PRESIDÊNCIA DO CONSELHO DE MINISTROS

IX GOVERNO CONSTITUCIONAL



Gabinete
Porta-Voz

Preokupasaun ho harii Estadu ne'e prezente tebes iha diskursu ida no karik nu'udar diskursu ne'ebé konsistente liu kona-ba vizaun ida sobre futuru ba Timor-Leste no ne'ebé atuál nafatin, ne'e diskursu ida husi 2013, reflesaun ida kona-ba Estadu-Nasaun iha ne'ebé nia dezenvolve aspetu esensiál sira, kona-ba saida maka prezisa atu halo ka saida maka atu halo no ne'ebé maka sei iha parte boot atu halo.

Primeiru kestaun demokrasia, kestaun organizasaun polítika no se iha buat ida ne'ebé indiskutivel kona-ba Xanana Gusmão nia personalidade polítika, ne'e mak nia demokrata duni. Laiha ema ida maka bele akuza nia katak nia nunka kumpre regra demokrátiku, nia gerrilleiru, nia Prezidente Repúblika, nia Primeiru-Ministru, nia lakon eleisaun, nia fila fali ba opozisaun, nia konkorre fali eleisaun, nia eleitu fali no sai filafali Primeiru-Ministru. Durante iha nia karreira tomak, nia preokupa ho konsolidasaun organizasaun polítika ida Estadu timoroan nian ne'ebé kompativel ho saida maka ohin lora sai nu'udar presupostu fundamentál sira demokrasia moderna nian, hosi pontudevista regra konstitusionál sira no Estadu ida ne'ebé iha sistema polítiku parlamentár, hanesan kazu iha Timor-Leste.

Depois iha obsesaun ida ne'ebé boot tebes iha ne'e, ha'u sei dehan obsesaun ne'ebé boot tebes, ho delimitasaun fronteira sira. Laiha Estadu





PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

ida sein povu, territóriu no fronteira. No kestaun fronteiras iha Timor sempre sensível tebes. Hanesan ita hatene, istórikamente ezijente tebes husi pontudevista política, no mós hamosu disputa permanente ho nasaun viziñu sira ne'ebé halo fronteira ho Timór. No Xanana nia obsesaun mak atu husik hela hanesan legadu estabilizasaun fronteira tantu ho Indonézia no Austrália. Fronteira marítima ho Austrália, ikusmai, ha'u fiar katak hetan ona akordu, maibé iha konstrusaun Estadu, hanesan ita haree daudaun, hanoin ida-ne'e katak globalizasaun no integrasaun sei ultrapasa problema polítiku jestaun fronteira nian, iluzaun, iha ne'e mak ita filafali, fronteira, relasaun ho seluk akontese iha fronteira ne'ebá no identidade hetan protesauun iha ne'ebá no, tanba ne'e, kestaun kona-ba fronteira mós presente tebes iha Xanana nia diskursu sira no liuliu iha diskursu sira ne'ebé nia halo iha organizasaun hotu-hotu iha rejiaun, presizamente tanba ida-ne'e maka tópicu ida ne'ebé atuál tebes iha Sudeste Aziátiku no iha rejiaun tomak iha ne'ebé nia partisipa.

No tuirmai jestaun rekursu naturál sira no liuliu, sirkunstánsia katak Timor-Leste nu'udar nasaun ida ne'ebé iha rikeza naturál ne'ebé naturalmente Estadu sira seluk, podér sira seluk hakarak tebetebes. No obsesaun ida ne'e mós presente, diskursu barak kobre tópicu iha forum oioin no iha konferénsia internasionál oioin sira kobre tema rekursu naturál sira no,





PRESIDÊNCIA DO CONSELHO DE MINISTROS

IX GOVERNO CONSTITUCIONAL



Gabinete
Porta-Voz

liuliu, esplorasauñ gás no petróleu nian. No iha kontestu ida ne'e, ha'u fiar katak tinan balun tan no kestaun sira sei rezolve no katak Xanana bele deskansa ho hakmatek kona-ba konstrusaun Estadu iha área ida ne'e.

Sentrál ba konjuntu testu sira-ne'e maka tema desenvolvimentu. Klaru, ida-ne'e maka faze ne'ebé preokupa liu nia. Laiha Estadu se la satisfás kondisaun moris materiál, se espetativa sidadaun sira-nian no, tanba ne'e, kestaun desenvolvimentu, oinsá uza rekursu sira iha kondisaun atu garante kondisaun desenvolvimentu ba jersaun sira iha futuru. Sustentabilidade investimentu ne'ebé presiza halo ho permanente sai sentru preokupasaun sira-nian no ita-boot sira sei hetan Xanana Gusmão nia hanoin sira iha diskursu balu ne'ebé halo iha ne'ebá.

No hafoin iha kontestu relasaun internasionál sira. Bainhira ita ko'alia kona-ba Estadu, ita tenke hanoin katak laiha Estadu ida ne'ebé mak izoladu. Estadu sira iha kontestu internasionál rasik ne'ebé hahú hosi ninia viziñu sira. Iha ne'ebá maka prinsípiu problema nian sempre iha, viziñu sira, aliadu sira no se bele iha amizade iha relasaun internasionál sira, dalaruma ida ne'e akontese no kestaun ne'e mós tau matan la'ós de'it ho aliadu sira, maibé mós aliadu spesiál sira.





PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

No iha ne'e maka ha'u hanoin katak demarkasaun ne'ebé halo iha insertaun jeopolítica Timor-Leste nian durante década ne'e tomak, entre saida mak aliança iha âmbito integraçãun ekonómika ida ne'ebé dirije ba prosesu desenvolvimentu iha ASEAN no integraçãun iha espasu kulturál, CPLP nia identidade linguística, prezente tebes iha espírito no pensamentu estratéjiku ne'ebé Xanana hatete-sai iha ninia diskursu barak ne'e.

Aliança CPLP no ASEAN buat ne'ebé diferente no ida ne'e perfeitamente notavel iha forma ne'ebé Xanana enkuadra tema integraçãun iha ASEAN, prioridade loloos ba fundasaun desenvolvimentu ne'ebé sustenta Estadu-Nasaun Timor nian iha futuro no relasaun ho universu identidade ida ne'e husi relasaun istória sira ne'ebé constitui CPLP.

No dala barak mosu konfusaun barak, mosu konfusaun barak iha ita hotu membru CPLP nia kakutak entre saida mak aliança iha kontestu integraçãun ekonomia no saida mak aliança iha kontestu integraçãun estratéjiku, tantu kulturál , linguística, istória ka to'o militar, iha sirkunstáncia balu, sira hanesan buat ne'ebé completamente diferente no ha'u hanoin katak livru ida ne'e, ne'ebé mak, iha eséncia, livru pensamentu estratéjiku nian hosi Xanana Gusmão, husik ita hetan konsolasaun ho ida ne'ebé koerente tebes, consistente tebes, vizaun integrativa tebes kona-ba elementu oioin ne'ebé





PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

maka presiza atu tau iha konsiderasaun iha serbisu harii Estadu-Nasaun dahuluk sékulu XXI nian, hafoin hetan Independénsia no maski iha ajitasaun hotu-hotu ne'ebé mak iha.

Dezafiu ida ne'ebé boot tebes, sé de'it mak ba ona Timor, hanesan ha'u bá nulu ba nulu (dezenas), iha konxiénsia kona-ba serbisu estraordináriu ne'ebé presiza halo atu garante estabilidade sosiedade ida ne'ebé sei frajil tebes no saida maka presiza halo ho loloos atu garante seguransa no estabilidade ne'ebé nesesáriu iha kontestu ida ne'ebé muda maka'as.

Ha'u hanoin katak Xanana nia diskursu sira tuirmai sei subliña liután preokupasaun ida ne'e, tanba ita iha dalan ba Funu Malirin foun ida. Timor ho nia elite aproveita didi'ak janela istóriku ida, ne'ebé mosu hafoin Funu Malirin remata no ne'ebé fó possibilidade atu kria sirkunstánsia atu Timor bele sai Estadu independente ida.

Maibé ita la'o ba Funu Malirin foun ida. Ita iha ona nia-laran. No tema ne'e sei preokupa ita hotu no konserteza sei preokupa mós Timór, iha kontestu rejionál ne'ebé ezijente tebes husi pontudevista, liuliu husi interese jeopolítiku ne'ebé joga iha rejiaun ne'ebá. Ita labele haluha katak Tasi Timor, mak Tasi Timor, tasi ida-ne'ebé asesu ba Pasífiku sei sempre iha risku karik mosu konfliktu ne'ebé tau pontu tránzitu sira iha Oseanu Índiku iha





PRESIDÊNCIA DO
**CONSELHO
DE MINISTROS**

IX GOVERNO CONSTITUCIONAL



Gabinete
Porta-Voz

risku no tanba ne'e maka jogu insersaun jeopolítika Timór-Leste nian, iha kontestu ne'ebé ita tama daudaun ne'e ezijente tebes husi pontudevista ida ne'e. No ema se de'it mak akompaña ona realidade Timor nian iha ambiente oin-oin iha serteza absoluta kona-ba saida maka sira ko'alia iha momentu ida-ne'e.

Fó atensaun maka'as ba kontestu jeopolítiku, ba nia evolusaun iha tinan sira oin mai, tanba tinan 20 oin mai sei ezijente tebes hosi pontudevista ida ne'e no, tanba ne'e, pozisionamentu jeostratéjiku jere ona ho intelijénsia barak no ho subtileza barak iha sirkunstánsia balu. Ida-ne'e sei akontese fali.

Livru ne'e, se iha buat ida ne'ebé nia revela, maka kapasidade inkrivel ida ba interasaun polítika no diplomátika nian ho Estadu hotu-hotu iha rejiaun. Impresionante tebes haree roteiru livru nian no haree Xanana iha ne'ebé iha tinan 10 ikus ne'e no diskursu sira ne'ebé nia halo iha tinan 10 ikus ne'e no iha ne'ebé nia toka, kanek saida maka nia toka, nervu saida maka nia toka loloos ho sentidu responsabilidade boot ne'ebé nia iha nu'udar lider Timor nian.

Ha'u halai liu uitoan husi tempu, maske nune'e, obrigado barak!

